



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-05/02-04-998-5/23
Sarajevo, 05.04.2023. godine

Na osnovu člana 93. Zakona o osnovnom odgoju i obrazovanju („Službene novine Kantona Sarajevo”, br. 23/17, 33/17, 30/19, 34/20 i 33/21), člana 8. Zakona o ministarskim, vladinim i drugim imenovanjima Federacije BiH („Službene novine F BiH”, br. 12/03, 34/03 i 65/13), tačke V Odluke o standardima i kriterijima za nominovanje/imenovanje na pozicije predsjednika i članova školskih odbora osnovnih škola kao javnih ustanova, čija konačna imenovanja vrši Vlada Kantona Sarajevo („Službene novine Kantona Sarajevo“, br. 33/17, 23/22 i 14/23) i člana 2. Pravilnika o izboru, nadležnostima i načinu rada školskih odbora osnovnih škola Kantona Sarajevo („Službene novine Kantona Sarajevo“, br. 35/17 i 13/23 ministrice za odgoj i obrazovanje Kantona Sarajevo raspisuje

JAVNI KONKURS

za izbor i imenovanje na upražnjene pozicije predsjednika i članova u školskim odborima osnovnih škola kao javnih ustanova na području Kantona Sarajevo

I

U Školski odbor osnovnih škola kao javnih ustanova, biraju se:

1. Predstavnik Ministarstva (predsjednik).....1 član
2. Predstavnik općine na čijem području se škola nalazi.....1 član
3. Predstavnik roditelja/staratelja učenika škole.....1 član
4. Predstavnik radnika škole.....1 član

II

Na osnovu ovog Javnog konkursa izvršit će se izbor i imenovanje predsjednika i članova na upražnjene pozicije u školskim odborima u sljedećim osnovnim školama, kao javnim ustanovama na području Kantona Sarajevo, kako slijedi:

Rb.	Naziv škole	Pozicije u školskom odboru
1.	Javna ustanova Osnovna škola „Vrhbosna“	Predstavnik Ministarstva (predsjednik) – 1 član
2.	Javna ustanova Osnovna škola „Edhem Mulabdić“	Predstavnik Ministarstva (predsjednik) – 1 član
3.	Javna ustanova Osnovna škola „Safvet-beg Bašagić“	Predstavnik roditelja/staratelja učenika – 1 član
4.	Javna ustanova Osnovna škola „Silvije Strahimir Kranjčević“	Predstavnik Ministarstva (predsjednik) – 1 član
5.	Javna ustanova Osnovna škola „ŠIP“	Predstavnik radnika – 1 član

6.	Javna ustanova Osnovna škola „Mehmed-beg Kapetanović Ljubušak“	Predstavnik Općine Centar na čijem području se škola nalazi – 1 član
7.	Javna ustanova Osnovna muzička i baletska škola „Novo Sarajevo“	Predstavnik Općine Novo Sarajevo na čijem području se škola nalazi – 1 član
8.	Javna ustanova Osnovna škola „Čengić Vila I“	Predstavnik Ministarstva (predsjednik) – 1 član Predstavnik Općine Novo Sarajevo na čijem području se škola nalazi – 1 član
9.	Javna ustanova Osnovna škola „Kovačići“	Predstavnik roditelja/staratelja učenika – 1 član
10.	Javna ustanova Osnovna škola „Grbavica I“	Predstavnik Općine Novo Sarajevo na čijem području se škola nalazi – 1 član
11.	Javna ustanova Osnovna škola „Meša Selimović“	Predstavnik Općine Novi Grad na čijem području se škola nalazi – 1 član
12.	Javna ustanova Osnovna škola „Umihana Čuvidina“	Predstavnik roditelja – 1 član
13.	Javna ustanova Osnovna škola „Aleksa Šantić“	Predstavnik Ministarstva (predsjednik) – 1 član Predstavnik Općine Novi Grad na čijem području se škola nalazi – 1 član
14.	Javna ustanova Osnovna škola „Hilmi ef. Šarić“	Predstavnik Ministarstva (predsjednik) – 1 član
15.	Javna ustanova Osnovna škola „Podlugovi“	Predstavnik Općine Ilijaš na čijem području se škola nalazi – 1 član Predstavnik radnika – 1 član
16.	Javna ustanova Osnovna škola „Porodice ef. Ramić“	Predstavnik Općine Vogošća na čijem području se škola nalazi – 1 član
17.	Javna ustanova Osnovna škola „Izet Šabić“	Predstavnik Ministarstva (predsjednik) – 1 član
18.	Javna ustanova Osnovna škola „Hašim Spahić“	Predstavnik roditelja/staratelja učenika – 1 član
19.	Javna ustanova Osnovna škola „Stari Ilijaš“	Predstavnik roditelja/staratelja učenika – 1 član
20.	Javna ustanova Osnovna škola „Fatima Gunić“	Predstavnik Ministarstva (predsjednik) – 1 član
21.	Javna ustanova Zavod za specijalno obrazovanje i odgoj „Mjedena“	Predstavnik Ministarstva (predsjednik) – 1 član
22.	Javna ustanova Osnovna škola „Mehmedalija Mak Dizdar“	Predstavnik Ministarstva (predsjednik) – 1 član
23.	Javna ustanove Osnovna škola „Mirsad Prnjavorac“	Predstavnik Općine Vogošća na čijem području se škola nalazi – 1 član
24.	Javna ustanova Osnovna škola „Zahid Baručija“	Predstavnik Ministarstva (predsjednik) – 1 član
25.	Javna ustanova Osnovna škola „Aneks“	Predstavnik Općine Novi Grad na čijem području se škola nalazi – 1 član

OPIS POZICIJA:

Školski odbor: osigurava djelotvorno i efikasno korištenje svih resursa škole i brine se o zakonitom radu škole i njenih organa. Nadležnosti u donošenju akata škole su: donošenje programa rada i izvještaja koji se podnose osnivaču, donošenje pravila škole, donošenje godišnjeg programa rada škole za tekuću godinu i usvajanje izvještaja o realizaciji godišnjeg programa rada na kraju prvog polugodišta, donošenje finansijskog plana i usvajanje godišnjeg obračuna, donošenje plana kadrovske potreba za naredni petogodišnji period, donošenje općeg akta o unutrašnjoj organizaciji i sistematizaciji radnih mjesta i drugih općih akata u skladu sa zakonom, donošenje svog programa rada i izvještaja o svom radu koji podnosi osnivaču. Školski odbor je nadležan za rješavanje u prvom stepenu o: imenovanju i razrješenju direktora kao i zaključivanju ugovora o radu i prestanku rada direktora osnovne škole, imenovanju komisije za utvrđivanje prijedloga za izbor zaposlenika škole i drugih komisija za poslove iz svoje nadležnosti, korištenju sredstava preko iznosa određenog relevantnim propisima, žalbama i prigovorima zaposlenika na



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: mo@mo.ks.gov.ba

rješenje o ocjeni rada i drugim pravima, obavezama i odgovornostima iz radnog odnosa, žalbi učenika, odnosno roditelja ili staratelja učenika na odluku o izricanju odgojno-disciplinske mjere iz člana 82. Zakona o osnovnom odgoju i obrazovanju, žalbama i prigovorima koji se odnose na rad direktora osnovne škole.

Školski odbor je nadležan za odlučivanje u drugom stepenu po žalbama i prigovorima na odluke direktora škole na koje je dopuštena žalba ili prigovor, posebno po žalbama i prigovorima koji se odnose na rad nastavnika, stručnih i drugih saradnika.

Školski odbor obavlja i sljedeće: usmjerava, kontrolira i ocjenjuje rad direktora, razmatra prijedloge odluka, preporuke i prijedloge koje se upute školskom odboru i preduzima odgovarajuće mjere, rješava sva pitanja odnosa sa osnivačem i vrši i druge poslove u skladu sa relevantnim propisima i pravilima osnovne škole.

III

Za predsjednika i člana školskog odbora škole kao javne ustanove može biti nominovan/imenovan kandidat koji ispunjava slijedeće opće uvjete:

- a) da je stariji od 18 godina;
- b) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije
- c) da se na tog kandidata ne odnosi član IX tačka 1. Ustava Bosne i Hercegovine;
- d) da nije osuđivan za krivično djelo i za privredni prijestup nespojiv sa dužnošću u školskom odboru javne ustanove,
- e) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine („Službeni glasnik BiH“, br. 16/02, 14/03 i 12/04);
- f) da nije lice koje ima smetnje za imenovanje u skladu sa Zakonom o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22, 44/22-Ispravka i 52/22-Ispravka) i to:
 - da nije poslanik/zastupnik u Skupštini Kantona Sarajevo, vijećnik u Gradskom vijeću Grada Sarajeva i vijećnik u općinskom vijeću općine na teritoriji Kantona Sarajevo,
 - da nije direktor, izvršni direktor, pomoćnik direktora, agencije, fonda, javnog preduzeća i javne ustanove i institucije koji se imenuje ili postavlja na mandatni period i zamjenik direktora agencije, fonda, zavoda, javnog preduzeća, javne ustanove i druge institucije čiji je osnivač Kanton Sarajevo, Grad Sarajevo ili općina na teritoriji Kantona Sarajevo ili u kojima Kanton Sarajevo, Grad Sarajevo ili općina na teritoriji Kantona Sarajevo učestvuju sa više od 50% ukupnog kapitala,
 - da nije lice koje je izabrano ili imenovano ili je za njegov izbor ili imenovanje data saglasnost od strane Skupštine, Gradskog vijeća Grada Sarajeva, općinskog vijeća, Vlade, Gradonačelnika ili načelnika, izuzev državnog službenika i namještenik,
 - da nije vršilac dužnosti prethodno pobrojanih javnih funkcija i savjetnik prethodno pobrojanih nosioca javnih funkcija u Kantonu Sarajevo koji se imenuju po lex specialis propisima,
 - da ne obavlja niti jednu javnu funkciju kako je dato u tač. e) i f).

Pored navedenih općih uslova, kandidat koji se nominuje/imenuje za poziciju predsjednika ili člana školskih odbora javne ustanove treba da ispunjava i slijedeće posebne uvjete:

a) Za predsjednika (predstavnik Ministarstva) i člana-predstavnik Općine u školskom odboru:

- 1) da posjeduje najmanje VII stepen stručne spreme ili prvi ciklus studija po bolonjskom visokoobrazovnom procesu (240 ECTS bodova) i najmanje pet godina radnog staža u struci,
- 2) da nema privatni finansijski interes u javnoj ustanovi u čiji školski odbor se kandidira,
- 3) da nije direktor, niti pomoćnik direktora osnovne ili srednje škole,
- 4) da nije radnik škole u čiji se školski odbor kandidira,
- 5) da nije roditelj, niti staratelj učenika koji pohađa školu u čiji se školski odbor kandidira,
- 6) da nije u bilo kakvoj rodbinskoj vezi do drugog stepena sa bilo kojim članom školskog odbora ili bilo kojim radnikom škole u čiji se školski odbor kandidira.

b) Za člana školskog odbora – predstavnik radnika škole:

- 1) da posjeduje diplomu najmanje VI stepena stručne spreme i najmanje pet godina radnog staža u struci,
- 2) da nije pomoćnik direktora osnovne ili srednje škole,



- 3) da nije roditelj, niti staratelj učenika koji pohađa školu u čiji se školski odbor kandidira,
- 4) da ima status radnika u školi kao javnoj ustanovi u smislu važećih propisa o radu,
- 5) da nije u bilo kakvoj rodbinskoj vezi do drugog stepena sa bilo kojim članom školskog odbora ili bilo kojim radnikom škole u čiji se školski odbor kandidira.

c) Za člana školskog odbora-predstavnik roditelja:

- 1) da posjeduje diplomu najmanje IV stepena srednje škole,
- 2) da nije direktor ili pomoćnik direktora osnovne ili srednje škole,
- 3) da nije radnik osnovne škole u čiji se školski odbor kandidira,
- 4) da ima status roditelja ili staratelja djece korisnika usluga osnovne škole u čiji se školski odbor kandidira,
- 5) da nije u bilo kakvoj rodbinskoj vezi do drugog stepena sa bilo kojim članom školskog odbora ili bilo kojim radnikom škole u čiji se školski odbor kandidira.

IV

Predsjednika i članove školskog odbora imenuje Vlada Kantona Sarajevo. Za Vladu Kantona Sarajevo, obavezujući su prijedlozi za imenovanje predstavnika roditelja i radnika škole, koje u skladu sa važećim propisima izaberu nadležne strukture. Mandat predsjednika i članova školskih odbora, imenovanih po ovom Javnom konkursu, će trajati do isteka četverogodišnjeg mandata predsjednika i članova školskih odbora imenovanih od strane Vlade Kantona Sarajevo, po osnovnom Javnom konkursu.

V

Prijavljivanje se vrši putem Prijavnog obrasca, koji se može preuzeti u šalter-sali Kantona Sarajevo (Ul. Reisa Džemaludina Čauševića br. 1 Sarajevo) ili na web stranici Ministarstva za odgoj i obrazovanje Kantona Sarajevo (www.mo.ks.gov.ba).

Na istim mjestima se može preuzeti obrazac Izjava o ispunjavanju uvjeta (dokaz tačke III) i Obrazac za pitanja o eventualnom postojanju sukoba interesa.

Prijavu sa cjelokupnom traženom dokumentacijom kandidat treba dostaviti lično ili poštom preporučeno, na adresu Ministarstva za odgoj i obrazovanje Kantona Sarajevo (ul. Reisa Džemaludina Čauševića br. 1 Sarajevo), sa naznakom «Prijava na javni konkurs za Školski odbor JU " _____ " - ne otvaraj – otvara Komisija».

(*Upisati naziv ustanove*)

Uz prijavni obrazac, kandidat treba priložiti:

1. Biografiju,
2. Univerzitetsku diplomu (za predstavnika roditelja najmanje diplomu o stečenom IV stepenu stručne spreme);
3. Uvjerenje o državljanstvu (ne starije od 6 mjeseci);
4. Potvrdu/uvjerenje o radnom stažu u struci - najmanje pet godina radnog staža u struci (potpisanu i ovjerenu od strane poslodavca) ili uvjerenje o podacima registrovanim u matičnoj evidenciji osiguranika (FZ MIO-PIO) (za predstavnika roditelja nije potrebno);
5. Potpisanu Izjavu o ispunjavanju uvjeta iz tačke III, ovjerenu od strane nadležne općinske službe;
6. Obrazac za pitanja o eventualnom postojanju sukoba interesa.

Sve dokumente potrebno je priložiti u originalu ili fotokopiji ovjerenoj kod nadležne općinske službe.

Dokumentacija dostavljena na Javni konkurs se ne vraća.

Komisija zadržava pravo da ostale dokaze u vezi sa dostavljenom dokumentacijom zatraži naknadno ili samostalno pribavi i ukoliko aplikant u roku od najkasnije 15 dana od dana traženja dokaza iste ne dostavi smatrat će se da nije dostavio potpunu dokumentaciju.

Konkurs će biti objavljen u dnevnom listu „Oslobođenje“ i „Službenim novinama Federacije Bosne i Hercegovine“. Konkurs ostaje otvoren **petnaest (15) dana od dana posljednjeg javnog objavljivanja.**

Nepotpune, neuredne i neblagovremene prijave neće biti razmatrane.

Predsjednik i članovi školskog odbora će svoje dužnosti obavljati na dobrovoljnoj osnovi i bez bilo kojeg vida nadoknade.

Napomena: Tekst Javnog konkursa je dostupan i na web stranici: www.mo.ks.gov.ba.

Procedura obrade aplikacija i objedinjavanja prijedloga provest će se u skladu sa članom 13. Pravilnika o izboru, nadležnostima i načinu rada školskih odbora osnovnih škola Kantona Sarajevo. Svi kandidati koji ispunjavaju uslove Javnog konkursa bit će pozvani na intervju pred Komisijom za izbor.

Podnosioci prijava sa kojima se ne stupa u kontakt u roku od 15 dana nakon isteka roka za podnošenje, prijava neće biti uzeta u razmatranje u daljem procesu imenovanja.

Komisiju za izbor imenuje Vlada Kantona Sarajevo posebnom odlukom.

MINISTRICA

Naida Hota-Muminović, s.r.